



## **Universitätsbibliothek Paderborn**

**Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

§. XI. De venditione rerum carentium taxato pretio, reíque furtivæ, & de evictione illius.

**urn:nbn:de:hbz:466:1-40013**



## §. X.

*De acquisitione Dominij per donationem.*

**D**E hoc infra n. 505.

## §. XI.

*De venditione rerum carentium taxato pretio rei  
furtivæ, & de evictione illius.*

232. **A**N res carentes pretio legali & vulgari, ut rara gemmæ, Canes insignes, picturæ, aves, animalia peregrina, numi antiqui &c. vendi possint pretio quantocunque, ex consensu Empatoris? *Resp.* Etsi communior veriorque sit opinio negativa apud Lugo *Disput.* 26. n. 46. quia justitia pretij secundum omnes dependet à communii hominum estimatione attentis circumstantijs, nempe qualitate, utilitate, raritate, expensis communiter solitis (secùs quas mercator patitur, fortitudine ex naufragio, rapina &c. Lugo n. 41.) periculis difficultate in affrendis, novitate, emptorum pluralitate, ergo est inustum taxatum à sola mercatoris avaritia, & cupiditate Empatoris, huic enim communis prudentum estimatio resistit; Attamen affirmativa propter auctoritatem Doctorum. Victoria, Bannez &c. quam practicant Europæi mercatores cum Æthiopibus, & Indis, fistulas, vitrum &c. pro auro, & gemmis permutantes, & has hic pretio quanto possunt vendentes, condemnari non potest.

233. Quæres secundò. An venditione rei furtivæ valeat? & quid si ab Emptore rursus vendatur tertio? *Resp.* Primum ad Primum quando tam venditor quam Empator scit furtivam esse, contractus est nullus *L. 34. §. 3. ff. de contrahenda Empt.* estque sententia recepta cum D. Thom. q. 62. art. 7. quia uterque scienter damnificat rei Dominum, Empator acceptando, venditor distrahendo, ergo Empator nequit fieri ejus Dominus propter malam fidem, consequenter nec venditor Dominum transferre, sed uterque insolidum debet restituere vero Domino.

*Resp.* Secundò si solus venditor est conscientius esse furtivam, contractus est verus, & validus utrinque obligans, Empotorum ad solvendum pretium, venditorem non quidem ad transferendum Dominum, cum hoc sic penes rei Dominum, sed ad interesse, ac de evictione, ita est expressum *L. 28. ff. eod.* unde Empator acquirit jus evictionis translatio pretij Dominio in venditorem, hic autem

tem tenetur tradere rem venditam: Etsi enim juxta Juristas non sit de substantia venditionis translatio Dominij rei venditae, esse tamen est obligare ad traditionem rei, & ut quantum de se faciat, ut liceat Emptori habere rem L. 11. §. 8. & 17. de actionibus Empti venditi, quod aliud non est, quam teneri de evictione, ad solam usucapiendi conditio-  
nem in Emptorem transferre, ut huic eam habere liceat, ac legitimo tempore bona fide possessam praescribere valeat; econtra est de substantia, ut Emptor obligetur transferre Dominum pretij.

Dices traditio rei furtivae est furi illicita, ergo sur nequit ad eam obligari. Resp. Cum Haunold. tr. 10. n. 112, communiter esse licitam, quia Dominus rei supposita firma furis nolitione restituendi communiter non est rationabiliter invitatus, quia optabilius est rem esse penes emp-  
torem, bona fidei propter spem facilius eam recuperandi, postquam resciverit de ea; vendor igitur obligatur ad traditio-  
nem quando Dominus rei rationabiliter non est invitatus.

Respondeo tertio ad Primum si so-  
lus Emptor sit rem esse furtivam, con-  
tractus ex parte Empotoris est simpliciter nullus, per cit. L. 34. §. 3. quia obli-  
gatur malæ fidei possessor rem Emp-  
tam restituere, ex parte vero vendoris bona fidei valet eatenus, quatenus ac-  
quirit Dominum pretij, si hujus est Emp-  
tor Dominus, quo casu vendor nec te-  
neatur restituere rem fidei bona venditam,  
nec pretium, utpote effectus hujus Do-  
minius, nisi pretium fuisset furtivum,  
idque per confusionem cum alia pecunia transvisser in Dominum Empotoris, L. si  
alieni 78. ff. de solution.

Respondeo quartò ad primum E-  
mens rem scienter alienam pretio modi-  
co, animo reddendi eandem compa-  
renti vero Domino pretio detracto, lici-  
te emit, teneturque Dominus, si vult  
rem rehibere in utroque foro pretium  
refundere. Ita Leges apud Less. Lib. 2.  
c. 14. n. 20. quia negotium Dominij uti-  
liter egit, at si eam emit animo retinen-  
di, nequit pretium repetere defectu omni-  
nis tituli.

234. Respondeo ad secundum se-  
cundæ questionis Primi. Emens bona  
fide rem alienam, tamque vendens mi-  
nor, aut æquali pretio, si tertius à te  
emens restituit vero Domino, teneris  
tertio de evictione (id est hunc indem-  
nem servare per restitutionem pretij om-  
nisque damni consequentis reparationem,  
si res ab eo Empta tanquam alterius ju-  
dicialiter evincatur, dummodo Emptor li-  
te sibi super re Empta mota illico notificet  
vendori, ut hic item prosequatur, se-  
que defendat, nempe Emptorem instruen-  
do, liti assistendo, & probationes adfe-  
rendo, ita inff. & Cod. Tit. de evictio-  
nibus.) Domino vero comparenti nihil te-  
neris, Ita communior cum Lugo Disp.  
17. n. 19. contra Valsq. 12. D. 172. c. 1.  
Ratio, quod nec teneretur ex re accep-  
ta utpote non amplius apud istum exi-  
stente in se, neque in aliquo effectu,  
cum supponatur in nullo factus dicitur,  
nec ex injusta actione, quia bona fide  
venderet.

Respondeo secundò ad secundum  
questionis secunda, bonâ fide emens  
rem alienam pretio infimo vendens sum-  
mo, Domino comparenti non tenetur re-  
stituere totum excessum supra infimum  
contra Less. & Valsq. apud Lug. n. 20.

G g 2 quia

quia non tenetur saltem ad excessum supra medium, pretium enim summum est fructus merè industrialis, Lug. n. 22. tenetur tamen ad excessum quo medium superat infimum, est enim fructus venditæ contra Laym. Lib. 3. tr. 4. c. 17. n. 25. quia communiter res pretio mediocri venduntur.

Respondeo tertio cum Sanch. L. 2. moral. c. 23. à n. 16. Lug. D. 26. à n. 106. Emens bonâ fide, & eadem vendens, postea resciens esse alienam debet esse paratus ad rescindendum cum secundo Emptore contractum, imò debet rescindere cum restitutione pretij, quando est periculum Dominaum rei rescitatum rem suam esse apud secundum Emptorem: imò vendor bonæ fidei, licet deobligetur suo Emptori reddere pretium, sive titulo rei acceptæ, sive injustæ acceptioñis, obligatur tamen ad præfata ex natura ipsius contractus: quia vi hujus se obligat ad reservandum indemnem Emptorem suum, sed nisi sit paratus rescindere ac se resciadat tempore periculi cum restitutione pretij non servat indemnem Emptorem.

Unde si non est periculum, quod Dominus resciat rem suam esse apud secundum Emptorem, non obligatus rescindere, nec reddere pretium, quia Emptor nullum patitur damnum, imò liber est ab obligatione monenditum rei Dominum, tum Emptorem, quando ex motione imminent venditori damnum, ut si est periculum amittendi pretium, charitas enim non obligat cum proprio dam-

no: secluso tamen suo domino ex charta debet monere ad vitandum proximi damnum.

235. Quæres Tertiò quid sit evictio? qui & quando ad eam teneantur? Resp. Ad primum cum Juristis, est rei nostra, quam adversarius legitimo titulo acquisivit, per judicem facta recuperatio, ut constat ex dictis initio n. 234. ubi etiam dictum, quid Emptor præstare debet, ut vendor illi teneatur de evictione. Ut ad hanc obligetur, non sufficit rem esse alienam, vel alteri oppignoratum, vel usumfructum in ea constitutum L. qui rem 3. C. de evictione, aut quod sit lis super ea mota, aut Emptor, ad ejus restitutionem condemnatus, sed ut transierit sententia in rem judicatam, ac rei Emptæ possessio in alterum translata, mandata sit executioni L. habere s. f. & L. qui rem C. eod.

Ex quibus constat Responsio ad tertium nempe quando obligatio sit de evictione.

Respondeo ad secundum obligati venditorem etiam ignarum, quod sit res aliena, quisque enim rei quam vendit, conditionem scire debet, & scire presumitur, Arg. L. quisquis 15. Cod. de rescind. vendit.

Si scivit Emptor esse alienam, aut alteri obligatam, nec de evictione convenit cum venditore, hic non tenetur, sed sibi Emptor imputet, meteturque penam malitiosæ Emptionis. Non est etiam locus evictioni in contractibus lucrativis, ut in donatione, legatis &c.

